

Z A B I L J E Š K A

**Sa Prve sjednice Komisije za izbor i imenovanja održane 18.12.2012. godine
u prostorijama Saveza općina i gradova FBiH sa početkom u 12,00 sati**

Sjednici su prisustvovali: Nusret Helić, Samir Kanlić, Dragomir Lučić (zamjena za Mladen Mišurić-Ramljak), Dragana Solaković (zamjena za Alija Behmen), Meliha Beširović (zamjena za Halil Tuzlić), Mario Rozić (zamjena za Ivo Jerkić).

Opravidano odsutni: Gabrijela Martinović, Ljubo Grizelj, Nermin OGREŠEVIĆ i Josip Vidović.

Sjednici su prisustvovali i: Zlata Turkić, Elvira Imširović, Dženita Kovačević i Šejla Hasić (Savez).

Na sjednici je predložen i usvojen izmijenjeni

D N E V N I R E D

1. Prijedlog delegata za Kongres lokalnih i regionalnih vlasti Vijeća Evrope
2. Izbor člana Radne grupe za izmjene i dopune Zakona o principima lokalne samouprave
3. Imenovanje predstavnika Saveza u Koordinaciono tijelo za obuku zaposlenika u jedinicama lokalne samouprave u FBiH
4. Imenovanje predstavnika u Radnu grupu za izradu prijedloga pravnog i finansijskog/financijskog okvira za implementaciju strategije obuke za jedinica lokalne samouprave u FBiH
5. Tekuća pitanja

Sjednicu je otvorio Nusret Helić, predsjednik Komisije, te se, nakon jednoglasno usvojenog Dnevnog reda, pristupilo raspravi.

AD1. Zlata Turkić je upoznala članove Komisije da je Federalno ministarstvo pravde Savezu općina i gradova FBiH dostavilo zahtjev za dostavu imena članova delegacije iz Federacije Bosne i Hercegovine za Dom lokalnih vlasti Vijeća Evrope (jedan član i dva zamjenika). Savez općina i gradova dostavio je svim svojim članicama dopis u kome se tražilo predlaganje kandidata za ove pozicije. Prijedloge su poslale općine: Doboj Jug, Čapljina, Novi Grad Sarajevo i Visoko.

Nusret Helić je istakao da ove kandidate treba izabrati na osnovu Pravila procedura propisanih od strane Kongresa lokalnih i regionalnih vlasti Vijeća Evrope.

Raspravljajući o pristiglim prijedlozima, članovi Komisije su jednoglasno zaključili da se Predsjedništvu Saveza predloži da se u delegaciju Doma lokalnih vlasti Vijeća Evrope imenuju:

- **Semir Efendić, načelnik Općine Novi Grad – član**
- **Jasminka Begić, načelnica Općine Doboj Jug – zamjenica**
- **Smiljan Vidić, načelnik Općine Čapljina - zamjenik**

AD 2. Zlata Turkić je upoznala članove Komisije da je Federalno ministarstvo pravde Savezu općina i gradova FBiH dostavilo zahtjev za dostavu člana Radne grupe za izradu izmjena i dopuna zakona o principima lokalne samouprave u FBiH. Savez općina i gradova je, takođe, dostavio svim svojim članicama dopis u kome se tražilo predlaganje kandidata za ovu poziciju. Prijedloge su poslale općine: Visoko, Doboj Jug i Kakanj.

Elvira Imširović je saopštila da se izmjenama i dopunama Zakona o principima lokalne samouprave pristupilo na zahtjev CCI i to u dijelu koji se odnosi na položaj i ulogu mjesnih zajednica.

Nusret Helić je istakao da je ovo vrlo osjetljivo pitanje, te da se istom treba pristupiti sa posebnom ozbiljnošću i pažnjom.

Raspravljajući o pristiglim prijedlozima, članovi Komisije su bili mišljenja da u ovu radnu grupu treba imenovati načelnika sa iskustvom, pravne struke, te su jednoglasno zaključili da predlože Predsjedništvu Saveza da u ovu radnu grupu imenuje **Nusreta Helića, načelnika Općine Gračanica i Dinku Omanović, stručnu saradnicu u Općini Visoko.**

AD 3.,4. Šejla Hasić je upoznala prisutne da se, u okviru MTS projekta- Sistem obuke za jedinice lokalne samouprave u BiH, koji implementira UNDP u saradnji sa Savezom općina i gradova FBiH i drugim partnerima, trebaju imenovati: član Koordinacionog tijela za obuku (umjesto dosadašnjeg člana Džavida Aličića koji nije više načelnik Općine Doboj Jug) i članove Radne grupe za izradu prijedloga pravnog i finansijskog okvira za implementaciju Strategije obuke za jedinica lokalne samouprave u FBiH. Savez općina i gradova je i za ove prijedloge dostavio dopis svim svojim članicama, u kome se tražilo predlaganje kandidata za ovu poziciju. Prijedloge su dostavile općine: Kakanj, Kiseljak, Usora i Olovo. Nakon rasprave o predloženim kandidatima, članovi Komisije su jednoglasno usvojili zaključak da Predsjedništvo Saveza imenuje:

- **Koordinaciono tijelo za obuku zaposlenika u jedinicama lokalne samouprave – Dragomir Lučić, tajnik Općine Kiseljak**
- **Radna grupa za izradu prijedloga pravnog i finansijskog okvira za implementaciju strategije obuke za jedinica lokalne samouprave u FBiH:**
 - **Ferdo Mijač, Općina Kakanj**
 - **Grujo Marlin, Općina Usora**
 - **Imer Karagić, Općina Olovo**

AD 5. Dženita Kovačević je izvijestila prisutne da je Predsjedništvo Skupštine Saveza općina i gradova FBiH, na sjednici održanoj 04.12.2012. godine, između ostalog usvojilo izvještaje sa Petog i Šestog sastanka Radne grupe za analizu i pripremu rješenja u oblasti pripadnosti javnih prihoda u Federaciji BiH i izradu prijedloga novog Zakona o pripadnosti javnih prihoda u Federaciji BiH. Takođe, donesen je i zaključak da se odredi delegacija Saveza koja će u Federalnom ministarstvu finansija/financija zastupati interese Saveza u vezi sa ovim zakonom.

Komisija predlaže Predsjedništvu Saveza da članovi ove delegacije budu:

1. **Husejin Smajlović, načelnik Općine Zenica**
2. **Amra Babić, načelnik Općine Visoko**
3. **Ivo Jerkić, načelnik Općine Čitluk**
4. **Jasmin Imamović, načelnik Općine Tuzla**
5. **Emir Dedović, pomoćnik načelnika za finansije Općine Novi Grad i član Radne grupe za analizu i pripremu rješenja u oblasti pripadnosti javnih prihoda**

Sjednica je završena u 13,30 sati.

Zapisnik sačinila: Zlata Turkić

PREDSJEDNIK KOMISIJE
Nusret Helić, s.r.